

He Pātai ka Pātai Nuitia

Ngā Rārangi o ngā Marau NCEA kua Tatū mō te 2021

He mea tuku atu tā mātou tonu kia whakahoki kōrero mai te iwi, i te 16 o Pipiri ki te 13 Hereturikōkā, ki ngā marohitanga mō ngā marau NCEA e hāngai ana ki *The New Zealand Curriculum* (Kaupae 2 me te 3) me *Te Marautanga o Aotearoa* (Kaupae 1 ki te 3).

Kua puta ināiane ngā rārangi o ngā marau NCEA kua tatū. Kei tēnei puka ngā whakautu ki ngā pātai e kaha ana te puta ake mō te wāhi ki ngā panonitanga marau.

Ngā Rārangi o ngā Marau NCEA kua Tatū – He Pātai, he Whakautu		
1	He aha i panonitia ai ngā marau NCEA?	<p>He mea āta whakarite ngā rārangi o ngā marau NCEA kua tatū hei tautoko i ngā mahi ako e kouna ana, e hāngai ana.</p> <p>Mā roto mai i ngā rārangi marau kua tatū, e whai ana mātou:</p> <ul style="list-style-type: none">• kia mārama ake ngā ara ki ngā akoranga me ngā mahi kei tua o te noho ki te kura• kia āhei ngā ākonga ki ngā kaupapa whāiti i ō rātau tau whakamutunga i te kura• kia ōrite te mana o te mātauranga Māori i te NCEA.•
2	I kaha arohia e ngāi tūmatanui ngā marohitanga marau?	<p>I ngā wiki e waru e kimihia ana ngā whakaaro o ngāi tūmatanui ki ngā marohitanga marau, e 2024 ngā whakautu uiuinga tuihono i tae mai ki Te Tāhuhu, e 20 ngā tāpaetanga ā-tuhi, me ngā whakahokinga kōrero mai a ētahi rōpū aronga motuhake 15 i hui atu ai mātou, kanohi ki te kanohi.</p> <p>Ko ngā Wāhanga Ako Arts and Technology o te NZC ngā wāhi i nui ake ai te matapakia e tūmatanui mā.</p> <p>I kaha anō te taetae mai o te kōrero mō ngā marau Mātauranga Māori, i te NZC me TMOA.</p>
3	He aha te ara i whāia hei whakatatū i ngā rārangi marau?	<p>Nō te 16 o Pipiri ki te 13 o Hereturikōkā i tū ai ngā kimihanga whakaaro tūmatanui ki ngā marohitanga marau NCEA, me te rangiwhāwhā anō o ngā kōrero i hoki mai.</p> <p>I a mātou e whakatau ana ko ēhea ngā marau me taunaki atu ki te Minita, ka whai whakaaro mātou ki aua kōrero, ki ngā whāinga me ngā mātāpono o ngā panonitanga NCEA, tae atu ki ētahi āhuatanga pēnei i te nui o ngā pīkautanga mahi, ngā rawa me ngā rauemi.</p> <p>He mea whakatatū te rārangi o ngā marau i runga i ngā whakahokinga kōrero mai a tūmatanui mā, me te whai whakaaro anō ki te kaha o te tautoko a ngā marau i te kaupapa-here e mahi ana kia nui ake ngā aronga whāiti i ngā Kaupae 2 me te 3 o te NCEA. Hei tauira, kua tū mai anō te Painting hei marau motuhake, ā, o ngā marau hou i marohitia mō TMOA, e rua noa iho kua whakawhanaketia (Te Reo Pākehā me Toi Whakairo).</p>
4	Hui katoa, e 78 ngā marau kua marohitia e Te Tāhuhu. He aha i 67 noa ai ngā marau kei te rārangi tōpū?	<p>Kua whakaūngia e Te Tāhuhu ngā marau e 56 kua takea mai i <i>The New Zealand Curriculum</i> me ngā marau 11 mai i <i>Te Marautanga o Aotearoa</i>.</p> <p>Kei te whakawhanake mātou i ngā marau e hāpai ana i te kouna me te hāngai o te ako, e kaha pīrangitia ana, otirā ka āhua māmā anō hoki te whakawhanake me te whakatinana.</p> <p>E whakaata ana ēnei marau i ngā whāinga taha kaupapa-here kia kaha ake te arohia o ngā kaupapa whāiti i te Kaupae 2 me te 3 o te NCEA, kia ōrite te mana o te mātauranga Māori, kia mārama tonu ngā ara ki ngā akoranga me ngā mahi kei tua o te kura, me te</p>

		<p>whai whakaaro anō ki ngā māharahara o te rāngai ki te wāhi ki ngā rawa, ngā rauemi me ngā pūkenga, mātua rā ērā mō ngā marau hou me ngā marau aronga hou.</p> <p>Ko ngā marau i whakatauria kia tū, e whakaata ana i te whai kia tutuki ngātahi ngā whāinga kaupapa-here mō te whakakaha ake i te aro ki ngā kaupapa whāiti i te Kaupae 2 me te 3 o te NCEA, te mana ōrite mō te mātauranga Māori, me te mahea ake o ngā ara ki ngā akoranga me te mahi kei tua o te kura. I arohia anō ngā māharahara o te rāngai ki ngā rawa, ngā rauemi me ngā pūkenga – mātua rā ērā mō ngā marau hou me ngā marau aronga hou – ā, mō te wāhi ki ngā marau o <i>TMoA</i>, ko te whakaata tika i ngā ahunga o te ao Māori e pā ana ki te whakaako, te ako me te aromatawai.</p> <p>Hei whakatauiria, i te <i>NZC</i>, i kaha tautokona te hurihanga o ngā akoranga paerewa e tū kē ana (Tourism, Outdoor Education) hei marau paerewa paetae, kia pai ake ai ngā ara ka takoto mō ngā ākongā.</p> <p>I a mātou e kimi ana i ngā whakaaro o te rāngai rumaki reo Māori, ka rongō anō mātou e iti ana te raukaha o ētahi ki te āta whāwhā, ki te tautoko i te whanakenga o ngā marau hou; me roa ake te wā ki a rātou ki te whiriwhiri i te tāraitanga o ngā marau hou o roto mai i <i>Te Marautanga o Aotearoa</i>.</p> <p>Ko te hua o tēnei ki <i>TMoA</i>, o ngā marau hou e marohitia ana, e rua noa iho i whakawhanaketia (Te Reo Pākehā me Toi Whakairo). Ko ētahi atu marau hou e whā e marohitia ana – te Hangarau Matihiko, te Hākinakina, te Mau Rākau me te Raranga – kua whakatārewatia, ā, kei waho o te arotahinga o te Arotakenga Paerewa Paetae e whakaritea ana, ā, kei raurangi ngā whakatau mō ērā. Arā anō te Tauhokohoko me Te Hītori o Aotearoa, ko te taunakitanga mō ērā, i hua ake ai i ngā whakahokinga kōrero mai a te rāngai, kia kua e whakawhanaketia i tēnei wā.</p> <p>Mā te whakawhanake putuputu, ka rawaka ngā rawa me ngā rauemi hei tautoko i te kawenga tuawhiti o ngā mahi i te akomanga, ā, ka tautohua, ka tika hoki te aromatawaitia o ngā mātauranga Māori i roto anō i te anga NCEA. Kei te noho pokapū mai ngā kura ki te whiriwhiringa o ngā marau e mātua hiahiatia ana e ngā ākongā Māori, ō rātou whānau, hapū, iwi, hapori katoa atu.</p>
5	<p>Āhea tau ai ngā panonitanga marau ki ngā kura?</p>	<p>E whai ana mātou kia whakatinanatia te nuinga o ngā panonitanga marau i ngā kura ā te 2023 (mō te Kaupae 1), te 2024 (mō te Kaupae 2) me te 2025 (mō te Kaupae 3).</p>
6	<p>Ka wātea ngā marau katoa kei te rārangi hei whai i taku kura?</p>	<p>Kāo. Mā ngā kura anō e tīpako ngā paerewa paetae mai i te rārangi marau kua tatū me te waihanga akoranga e hāngai pū ana ki ō rātou hapori.</p>
7	<p>Āe rānei ka riro i te ākongā he whiwhinga mō ngā marau kāore i te rārangi marau kua tatū?</p>	<p>Koinei te rārangi o ngā marau NCEA ka waihangatia e Te Tāhuhu he paerewa paetae e hāngai ana. He huhua tonu ngā paerewa ka wātea tonu hei whai mā te ākongā i ngā pekanga me ngā wāhi mātauranga kāore i te rārangi. Katoa ngā akoranga ka aromatawaia ki te paerewa, i te taumata e tika ana, ka tāpiria ki ngā whiwhinga NCEA.</p> <p>Ehara i te mea me kawē ake e te ākongā ngā paerewa paetae katoa o tētahi marau e riro ai i a ia ngā whiwhinga, engari e whakapaetia ana ka mau tonu ōna anō paeraro me</p>

		<p>mātua eke e whakaūngia ai ngā akoranga mō taua marau. Me kōrero pea ki tō kura kia mārama ai koe ki ngā whiwhinga e wātea ana ki te ākongā i roto i ngā akoranga e whakaaro ana ia ki te kawē ake.</p>
8	<p>He aha i ruarua ai ngā marau mātauranga Māori hou, ahakoa te hiahia nui kia maha ake?</p>	<p>He ruarua ngā marau hou kua whakaaetia kia whakawhanakehia inamata nei ko te ao Māori me ngā mātauranga Māori te pūtakenga mai. Koia ēnei:</p> <ul style="list-style-type: none"> • Te Mau Rākau me te Whaiora – he marau hou i te <i>NZC</i> • Te Reo Pākehā me te Toi Whakairo – he marau hou i <i>TMoA</i>. <p>Mā te whakawhanake putuputu, ka rawaka ngā rawa me ngā rauemi hei tautoko i te kawenga tuawhiti o ngā mahi i te akomanga, ā, ka tautohua, ka tika hoki te aromatawaitia o ngā mātauranga Māori i roto anō i te anga NCEA. Kei te noho pokapū mai ngā kura ki te whiriwhiringa o ngā marau e mātua hiahiatia ana e ngā ākongā Māori, ō rātou whānau, hapū, iwi, hapori katoa atu.</p>
9	<p>He aha te pānga o ngā panonitanga ki ngā marau o te Kaupae 3 ki te Whakaurunga Whare Wānanga?</p>	<p>Ka mahi tahi mātou ki a NZQA me Te Pōkai Tara ki te whakatūturu i ngā panonitanga, mehemea rā he panonitanga, ki ngā paearu mō te Whakauru ki te Whare Wānanga.</p> <p>Ka whakawhanake Te Tāhuhu i ngā marau katoa o te Kaupae 3 o NCEA i runga i te takune e pai ana te katoa mō te whakamanatanga UE.</p>
10	<p>He aha te pānga o ēnei panonitanga marau ki te Karahipi o Aotearoa?</p>	<p>Ka mahi tahi mātou ki a NZQA ki te whakaū i ngā marau o te Karahipi o Aotearoa.</p> <p>Ko te kawatawhānui o Te Tāhuhu, katoa ngā marau kei te Kaupae 3 o te NCEA, ka tukua hei marau Karahipi mehemea e taea ana he aromatawai houtupu te hoahoa mōna. Mō ngā marau hou, ka hipa pea he tau, neke atu rānei, kātahi anō ka tukua hei marau Karahipi.</p>
11	<p>Āe rānei mā ēnei marau ka mārama ake ki ngā ākongā ngā ara e wātea ana ki ngā akoranga me ngā mahi kei tua atu o te kura?</p>	<p>Kua whakapau kaha mātou kia mahea, kia ariari ngā ara, atu i ngā marau ki ngā akoranga me ngā mahi kei tua o te kura. I ētahi marau, he kaha ake te aronga ki ngā akoranga whakahāngai.</p> <p>I a mātou e whakarite ana i ngā marau, ka mahi tahi ki ngā kaituku mahi, ngā ahumahi, ngā kura tuatoru, ngā ākongā, ngā whānau me ngā rōpū i te hapori kia noho hāngai tonu, kia noho ariari tonu ngā mahi ako ki ngā ākongā me ngā tāngata e karapoti ana i a rātou.</p>
12	<p>He aha ngā momo tautoko ka wātea mai, e whakamaheretia ana rānei hei āwhina i ngā kura ki te whakatinana i ngā panonitanga marau?</p>	<p>Ka āta mahi tahi tonu Te Tāhuhu ki ngā mātanga marau me ētahi atu o te rāngai ki te whakawhanake i ngā marau NCEA, ngā taputapu e hāngai ana me ētahi atu rauemi mā ngā kura.</p> <p>Kei te whakarāhia ake anō hoki ngā ringa tautoko kei ngā rohe. Hei tauira, ka tū mai he Kaiarataki Wāhanga Ako, he Kaitohutohu anō hoki ki ngā rohe, ko tā rātou, he ārahi, he tuku taputapu ki ngā kaiako o ō rātou nā wāhanga ako.</p>

13

Kei te pokea kē ngā kaiako e te mahi. He pēhea te pānga o ngā panonitanga e marohitia ana ki ā rātou pīkaunga mahi?

E mārāma ana mātou me urutau ngā kaiako, ā, koinei e whakarahia ake nei ngā ringa tautoko i ngā rohe. Heoi anō, hei te takanga o te wā, ka iti ake ngā pīkaunga aromatawai.

E whāia ana he ara putuputu hei whakatinana i ngā panonitanga, me te kimi haere i ngā whakaaro o ngā rōpū whai pānga mai i a tātou e koke ana i te ara, e ako ai mātou i ngā wheako o ngā kura kei te whakamātau i ngā āhuatanga hou, tae atu ki ētahi atu kua uru ki te tukanga whakawhanake. Mā konei e tika ai te whakahaerenga o te tukanga panoni mō ngā hāpori kura katoa.

ENDS